

– Ես քեզ դարձեալ կը ստակացնե՛մ, դու իմ ձեռքից չե՛ս պրծնի, – ասաց քրդուհին, որի գեղեցիկ, սեւորակ աչքերը նոյն թոպեում ընդունել էին գազանի աչքերի նմանութիւն:

Մարօն ոչինչ չասաց, նա այնքան վրդոված էր, որ խօսել չէր կարողանում: Նա պատասխանեց իր արհամարհական նայածքով:

Քրդուհին աւելի գեղեցիկ է իր կատաղութեան թոպեում. նրա հոգին եւ արտաքին կերպարանքը կազմակերպում են այն ժամանակ մի ամբողջ պատկեր, որի մէջ նա երեւում է իր բոլոր քաջազնական բնաւորութեամբ:

Ես չէի կարող առանց համակրութեան նայել լեռների այն ազատ դստեր վրայ, թէեւ մի թոպէ առաջ նա ուզում էր սպանել Մարօն:

– Ինչո՞ւ էիր սպանում այս աղջկան, – հարցրի ես քրդուհիից:

– Դու չգիտես, աղա, – նա ինձ համարում էր թուրք, – ինչպե՛ս սատանայ է այս աղջիկը, կասես թէ ֆըլայ (հայի նախատական կոչումը քրդի լեզուում) չի՛նի. նա համարձակուում է ձեռքը բարձրացնել իմ վրայ. մի օր ուզում էր խեղդել ինձ: Ո՞ր հայը այսպէս կանէ:

– Զայր ի՞նչ է, որ չկարողանայ այսպէս անել:

– Զայր շո՛ւն է, հէնց որ հաչէ, գլխին խփի՛ր, ձենը կը կտրէ...

Արիւնը վազեց դէպի իմ գլուխը, ձեռքերս դողացին: Բայց ի՞նչ մեղ ունէր քրդուհին, երբ անարգում էր մի ազգութիւն, որ ինքն իր ստորութեամբ առիթ էր տոնել իր մասին կազմել մի այսպիսի վատ կարծիք...

Բայց Մարօն համբերել չկարողացաւ. նա կրկին յարձակոնեցաւ քրդուհու վրայ եւ մի հարոածով գլորեց նրան գետին: Ես դժոարութեամբ կարողացայ ազատել նրա ճանկերից ու սակաւ կատաղած զոհը:

– Թո՛ղ տուր խեղդեմ դրան, – ասում էր Մարօն:

– Շո՛ւն, – գոռում էր քրդուհին:

Այն ժամանակ միայն նկատեցի, որ Մարօի ձեռքից արիւն էր հոսում: Երբ առաջին անգամ քրդուհու բազուկը բռնած, նա աշխատում էր խլել նրանից դանակը, մատը վիրաւորել էր, եւ իր խռովութեան մէջ չէր զգում ցաւը: Ես ուզեցի փաթաթել վերքը, բայց նա թող չտոնեց, ասելով, թէ ինքն եւս կարող է փաթաթել: Նա մօտեցաւ աղբիւրին, սկսեց սառն ջրով լրանալ արիւնը:

Քրդուհին զգեց իր ուսին մի տոպրակ, որի մէջ դրած էր մի գառն, եւ իր քայլերն ուղղեց դէպի գիւղը:

– Ու՛ր ես տանում այս գառը, – հարցրի նրանից: